



Broj: 11-19-11-2-3227-IV/24

Datum: 06.12.2024.godine

Na osnovu člana 43. i 45 stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 ,59/22 i 50/24), i prijedloga Komisije za provođenje otvorenih postupaka nabavke za 2024. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke novih službenih motornih vozila za LOT 4 - Nabavka putničkih motornih vozila niže srednje klase A

1. Prihvata se prijedlog Komisije za provođenje otvorenih postupaka nabavki u postupku Javne nabavke novih službenih motornih vozila za LOT 4 - Nabavka putničkih motornih vozila niže srednje klase A, te se Ugovor dodjeljuje ponuđaču PORSCHE Inter auto BH d.o.o. Sarajevo, prema Ponudi broj: 44316_210327 od 22.11.2024.godine, nakon provedene e-Aukcije po ukupnoj cijeni u iznosu od 279.000,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-3227 od 15.10.2024.godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke novih službenih motornih vozila za LOT 4 - Nabavka putničkih motornih vozila niže srednje klase A, po Obavještenju o nabavci broj: 1412-1-1-331-3-152/24 od 16.10.2024.godine, objavljenom u "Službenom glasniku BiH" broj:78/24, dana 15.11.2024.godine.

Procjenjena vrijednost Javne nabavke novih službenih motornih vozila za LOT 4 - Nabavka putničkih motornih vozila niže srednje klase A, iznosi 299.085,47 KM bez PDV-a.

Komisija je dana 02.12.2024.godine izvršila radnju Otvaranja ponuda za Javnu nabavku novih službenih motornih vozila, koja je podijeljena na LOT-ove, o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za LOT-4 Nabavka putničkih motornih vozila niže srednje klase A, Komisija je utvrdila da je u određenom krajnjem roku za dostavljanje ponuda za navedenu nabavku pristiglo ukupno (2) dvije ponude i to Ponuda ponuđača: PORSCHE Inter auto BH d.o.o. Sarajevo broj:44316_210327 od 22.11.2024. godine sa ukupnom cijenom sa popustom od 296.153,83 KM bez PDV-a i Ponuda ponuđača AUTORAD d.o.o. Pelagićevo broj:001-489/24 od 28.11.2024 sa ukupnom cijenom od 299.025,65 KM bez PDV-a, koje su formalno–pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Budući da je za navedenu nabavku predviđeno provođenje e-Aukcije, Komisija se pismeno obratila Sektoru za finansije i javne nabavke radi provođenja iste, te je zaprimljen Izvještaj o toku i završetku e- Aukcije broj:1412-1-1-331/24 od 06.12.2024.godine, iz kojeg proizilazi da je prema konačnoj rang listi ponuđača koji su učestvovali u e-Aukciji, ponuđač PORSCHE Inter auto BH d.o.o. Sarajevo za navedenu nabavku ponudio najnižu ukupnu cijenu u iznosu od 279.000,00 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama BiH za LOT 4 - Nabavku putničkih motornih vozila niže srednje klase A, predložila da se donese Odluka o izboru najpovoljnijeg ponuđača i ugovor dodijeli ponuđaču PORSCHE Inter auto BH d.o.o. Sarajevo, prema Ponudi broj: 44316_210327 od 22.11.2024.godine, nakon provedene e-Aukcije po ukupnoj cijeni u iznosu od 279.000,00 bez PDV-a, što je konstatovano u Zapisniku o pregledu i ocjeni ponuda od 03 i 06.12.2024.godine.

Razmatrajući prijedlog Komisije, v.d. direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

V.D. DIREKTOR
(Načelnik SKP-e)
GLAVNI INSPEKTOR

Vahidin Munjić

Dostaviti:

- Sektor za finansije i javne nabavke
- ponuđačima
- u spis